

2021eko MAIATZAREN 19ko OSOKO BILKURAKO AKTA.

Tokia: Berako Herriko Etxea.
Eguna: 2021-05-19.
Hasiera ordua: 19:30.
Bilkura mota: ohikoa, 1. deia.

BERTARATUAK:

EH BILDU

M. Aranzazu Zubieta Ochoteco

Jose Esteban Aguirre Zubieta

Estibaliz Pinacho Olaciregui

Josu Iratzoki Agirre

Maialen Chantre Irazoki

HERRIRAKO

Jose Antonio Oyarzabal Iribas

Nahuel Maximiliano Ibarburi Lompre

Raquel Quiroga Tapia

EZ EGOTE JUSTIFIKATUAK:

Julen Errandonea Martin

German Castillo Lazcanotegui

ALKATEA (Bilkurako buru):

Aitor Elexpuru Egaña

IDAZKARIA: Miguel Jose Belarra Tellechea, ekintzaren akta jasotzen du.

EZTABAIDATUTAKO GAIAK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2021/05/05). Inork ez du azalpenik egin eta **aho batez** onartzen da akta.

2. 1. POLIGONOKO 14. PARTZELAKO XEHETASUN AZTERLANA (ZALAIN AUZOA 23). BEHIN BETIKO ONESPENA.

Ikusirik:

- 1. poligonoko 14. partzelako xehetasun azterlana —Zalain auzoa 23—, partzelan dagoen etxebizitzaren lerrokadurak aldatzeko, atxikitako garaje bat eraikiz handitzea helburu. XXX da sustatzailea. Dokumentua XXX eta XXX arkitektoek idatzi zuten.

- Nasuvinsako arkitektoak, Udaleko aholkulariak, 2021eko otsailaren 23an egindako txostena.

- Udal Idazkariak 2021eko otsailaren 25ean egindako txosten juridikoa.

Kontuan izanda:

- Agiria hasiera batean onartu zela otsailaren 26ko 46/2021 Alkatetzaren Ebazpenaren bidez.

- Espedientea jendaurrean jarri zela, iragarkiak argitaratuz NAOn, prentsan eta Iragarki Oholean.

- Espedientea jendaurrean egon zen epealdian ez zela alegaziorik aurkeztu.

Lurraldearen Antolamenduari eta Hirigintzari buruzko Foru Legearen testu bategina onesten duen 1/2017 Legegintzako Foru Dekretuaren 63., 72. eta 74. artikuluekin bat etorritz,

aho batez ERABAKITZEN DA:

1. Behin betiko onespina ematea 1. poligonoko 14. partzelako —Zalain auzoa 23— xehetasun azterlanari.

2. Behin betiko onespina hau argitaratzea Nafarroako Aldizkari Ofizialean.

3. Erabaki hau jakinaraztea sustatzaileari.

4. Erabaki hau Nafarroako Gobernuako Lurralde Antolamendu, Etxebizitza, Paisaia eta Proiektu Estrategikoetako Departamentuari helaraztea, onartutako agiriarekin eta emandako txosten teknikoekin batera, gehienez ere 10 eguneko epean.

Nahuel M. Ibarburi bilerara sartu egin da.

3. BORTZIRIETAKO BERDINTASUN ZERBITZUAREN KUDEAKETA-MAHAIA. ORDEZKARIEN IZENDAPENA.

Aho batez ERABAKITZEN DA Berako Udalaren ordezkari hauek izendatzea Bortzirieta Berdintasun Zerbitzuen Kudeaketa-Mahaian: Maialen Chantre Irazoki eta Estibaliz Pinacho Olaciregui.

M. Aranzazu Zubietara bilerara sartu egin da.

4. MIKEL ZABALZAREN HERIOTZARI BURUZKO ADIERAZPENA.

Alkateak irakurri ondoren, **aho batez** onartu da Orbaizetako Udalak eta Aezkoako Batzarre Nagusiak bidalitako mozio hau:

“Mikel Zabalza gazte nafarraren heriotza ikertzeko eta argitzeko eskatzen duen adierazpena.

Mikel Zabalza (1952-1985) beste pertsona batzuekin batera atxilotu zuten duela 35 urte ETako kide gisa, eta Donostiako Intxaurrondoko Guardia Zibilaren kuartelera eraman zuten. Mikel Zabalza bizirik sartu zen kuartelera eta, 20 egun geroago, hilda agertu zen

Bidasoa ibaian.

Baina zer gertatu zitzaion Mikel Zabalzari? Gaur egun indarrean dagoen bertsio ofizialaren arabera, inguru horretan ETAREN zulo bat egiaztatzen ari zirela, Zabalzak guardia zibilengandik ihes egin zuen, ibaira erori zen eta itota hil zen. Atxilotuek torturak salatu zituzten, eta gizartearen zati handi batek ez zuen inoiz sinetsi Guardia Zibilaren bertsioa.

Público hedabideak 2021eko otsailaren 22an argitaratu zituen grabazio batzuek agerian uzten dute Mikel Zabalzaren heriotza Guardia Zibilaren Intxaurrondoko kuartelean jasandako torturengatik izan zela. Grabaketa Luis Alberto Perote Mikel Zabalza atxilotu zuten garaian CESIDeko (Defentsaren Informaziorako Goi Zentroko) koronelaren eta Galindoren aginduetara zegoen Pedro Gomez Nieto Guardia Zibileko kapitainaren arteko elkarrizketa da. Grabazio horretan esaten denez, Intxaurrondon jasandako torturen ondorioz hil zen Zabalza; zehazki, buruan poltsa aplikatzeagatik. Grabazio berean Gomez Nieto entzun daiteke "eskuetatik joan zaie, galdeketan geratu zaie" esanez.

Nahiz eta zantzu guztien arabera Zabalza Intxaurrondoko kuartelean jasandako torturen ondorioz hil zen, 35 urte geroago, familiak oraindik ez du errekonozimendu ofizialik eta ez dute inor zigortu. Zabalza familiak ez du egiarik, ez eta, beraz, justiziarik eta erreparaziorik ere. Auzitegiek behin baino gehiagotan erabaki dute auzia artxibatzea, froga faltagatik, gertatutakoa argitu gabe eta erantzukizunik zehaztu gabe. Heriotza horren zigorgabetasunak ezin du aurrera jarraitu.

Gure ustez, grabazio horiek funtsezkoak izan daitezke kasuan, eta kontuan hartu beharrekoak dira.

Horregatik, honako hau erabakitzen da:

1. Tortura legez kontrako indarkeria eta giza eskubideen urraketa gisa errefusatzeari.
2. Espainiako Gobernuari espediente honekin zerikusia duen guztia desklasifikatzeko eskatzea.
3. Guardia Zibileko kapitain Gómez Nietok eta garai hartan CESIDeko Juan Alberto Peroteren koronel buruak parte hartzen zuten audioak agertu ondoren, audioen edukia sakon ikertzeko eskatzea, Mikel Zabalza gazte nafarraren heriotzaren inguruko egia jakiteko.”.

5. BANDOAK ETA ALKATETZAREN EBAZPENAK.

Honako bando eta Alkatetzaren ebazpen hauen jakinaren gainean geratu dira:

- Bandoak: B12/2021 eta B13/2021 zenbakidunak.
- Ebazpenak: 100/2021 zenbakiko Ebazpenetik (2021/04/19) 116/2021 zenbakiko Ebazpenera arte (2021/05/14).

6. ESKAERAK ETA GALDERAK. BESTE UDAL ORGANOEEN KONTROLA.

Ez dira izan.

Beste aztergairik izan gabe, 19:55ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.